

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-11-4-6478-4/21

Datum: 15.10.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka b) i stav (2) tačka e), a u vezi sa članom 70. stav (1), (4) i (6) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-6574 od 29.09.2021. godine, u postupku javne nabavke usluga obezbjeđenja avio karata, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**  
**o poništenju postupka javne nabavke**

**I**

Poništava se postupak javne nabavke usluga obezbjeđenja avio karata.

**II**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

**Obrazloženje**

Na osnovu odluke broj: 02-11-4-6478/21 od 27.09.2021. godine i Obavještenja o nabavci broj: 16475-6-2-61-3-96/21 od 27.09.2021. godine, proveden je postupak javne nabavke usluga obezbjeđenja avio karata za potrebe Uprave policije Ministarstva unutrašnjih poslova Kantona Sarajevo, putem konkurentskog zahtjeva za dostavu ponuda.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda broj: 02-11-4-6478-3/21 od 15.10.2021. godine, kojim je utvrdila slijedeće:

- da ponude ponuđača „Mrkulić – company“ d.o.o. Putnička agencija Hollywood travel Sarajevo – Ilidža i Centrotrans d.d. Sarajevo sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju “najniža cijena” ispunjavaju sve zahtjeve Ugovornog organa.

Nakon ovoga stekli su se uslovi za zakazivanje e-aukcije.

E-aukcija je zakazana za dan:

- 13.10.2021. godine sa početkom u 13.40 sati.

Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvani ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

U toku e-aukcije došlo je do smanjivanja cijene i podnošenja nove ponude.

U skladu sa Izvještajem Agencije za javne nabavke dobivena je konačna rang lista ponuđača koji su učestvovali u e-aukciji:

| Naziv ponuđača  | Sjedište i adresa                  | Ukupna cijena ponude sa popustom bez PDV-a |
|---|------------------------------------|--|
| „Mrkulić – company“ d.o.o.<br>Putnička agencija<br>Hollywood travel | ul. Dr. Mustafe Pintola 23, Ilidža | 34.315,00 KM                               |
| Centrotrans D.D. Sarajevo   | Kurta Schorka 14, Sarajevo         | 34.350,00 KM                               |

Komisija konstatuje da su cijene ponuda i nakon provedene e-aukcije značajno veće od procijenjene vrijednosti nabavke. Nakon izvršene provjere kod nadležne službe ugovornog organa, u pogledu mogućnosti za osiguranje dodatnih finansijskih sredstava iznad procijenjene vrijednosti nabavke, komisija je utvrdila da ne postoji mogućnost osiguranja dodatnih finansijskih sredstava iznad procijenjene vrijednosti za predmetnu nabavku.

U postupku donošenja ove odluke je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka e) Zakona o javnim nabavkama („Službeni glasnik BiH“, broj: 39/14), riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH.



**POLICIJSKI KOMESAR**  
**Generalni inspektor policije**

\_\_\_\_\_  
**Nusret Selimović**

**Dostaviti:**

1. Sektoru za materijalno-finansijske poslove
2. Ponuđačima x2
3. Odjeljenju za odnose s javnošću, radi objave na web stranici ovog organa
4. a/a